

ZAPISNIK
sa 30. vanredne elektronske sjednice Upravnog odbora
Univerziteta u Tuzli održane 16.05.2023.godine

Zbog hitnosti u postupanju, organizirana je 30. vanredna elektronska sjednica Upravnog odbora na dan 16.05.2023. godine.

Članovima Upravnog odbora je dostavljen prijedlog dnevnog reda i to:

DNEVNI RED:

1. Utvrđivanje prečišćenog teksta Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
2. Donošenje Odluke o utvrđivanju visine troškova postupka za dodjelu naziva univerzitetska bolnica.

Elektronskim putem, članovima Upravnog odbora dostavljeni su prijedlozi odluka po tačkama dnevnog reda.

Određeno je da se izjašnjavanje po dnevnom redu i tački dnevnog reda provede u vremenu od 11,00 do 15,30 sati.

U radu sjednice učestvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Omer Beširović, Amela Dedić i dr. sc. Franc Andrejaš, vanr. prof., koji su se elektronskim putem sa svoje e-mail adrese, izjasnili „za“ o dnevnom redu i prijedlogu odluka po tačkama dnevnog reda.

Prilog ovom Zapisniku čini ispis poruka elektronske pošte članova Upravnog odbora.

TAČKA 1.

Utvrđivanje prečišćenog teksta Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Za donošenje Odluke po tački 1. dnevnog reda, glasalo je ukupno 5 (pet) članova, čime je Upravni odbor, većinom glasova od ukupnog broja članova, utvrdio prečišćeni tekst Odluke koja glasi:

O D L U K A
o iznosu participacije i školarine u troškovima sva tri
ciklusa studija na fakultetima/Akademiji Univerziteta u Tuzli
počev od akademske 2022/23. godine
(Prečišćeni tekst)

Studenti državljeni Bosne i Hercegovine

Član 1.

Redovan student prvog i integriranog prvog i drugog ciklusa studija, koji se finansira iz Budžeta TK i koji nema status zaposlenog lica, od akademske 2022/23. godine plaća participaciju u troškovima studija u visini od 100,00 KM po semestru.

Izuzetno od odredbe člana 1. stav (1) ove Odluke, redovni student prvog i integriranog prvog i drugog ciklusa studija Univerziteta u Tuzli koji u tekućoj akademskoj godini položi sve ispite utvrđene Nastavnim planom i ostvari prosječnu ocjenu 9,00 i više, pri upisu u narednu godinu studija plaća participaciju u troškovima studija u visini od 50 % utvrđenog iznosa participacije.

Član 2.

Redovni student prvog i integriranog prvog i drugog ciklusa studija koji se sam finansira, a prvi puta upisuje prvu studijsku godinu u akademskoj 2022/23. godini plaća školarinu u iznosima kako slijedi:

- 900,00 KM po semestru na Akademiji dramskih umjetnosti, Medicinskom fakultetu i Odsjeku zdravstvenih studija Medicinskog fakulteta,
- 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-građevinskom fakultetu i Tehnološkom fakultetu,
- 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.

Član 3.

Redovni student koji je stekao status studenta prve godine u prethodnim akademskim godinama, a koji se sam finansira, pri upisu naredne godine studija plaća školarinu u skladu sa zakonom, Statutom i ovom Odlukom.

Član 4.

Student prvog ciklusa studija koji se sam finansira, a prvi puta upisuje studijsku godinu na studijske programe fakulteta Univerziteta na kojima se nastava organizuje kao vanredni studij (studij uz rad) plaća školarinu u iznosu od 750,00 KM po semestru počev od akademske 2022/23. godine.

Studenti strani državljani i lica bez državljanstva

Član 5.

Strani državljanin i lice bez državljanstva koji se upiše u statusu redovnog studenta, participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.070	2.070	2.070	2.070		
2.	Tehničke nauke	2.070	2.070	2.070	2.070		
3.	Biomedicina i zdravstvo	2.484	2.484	2.484	2.484	2.484	2.484
4.	Biotehničke nauke	2.070	2.070	2.070	2.070		
5.	Društvene nauke	1.656	1.656	1.656	1.656		
6.	Humanističke nauke	1.656	1.656	1.656	1.656		
6.1	Humanističke nauke- Akademija dramskih umjetnosti, odsjek Gluma i Produkcija	2.484	2.484	2.484	2.484		

Strani državljanin i lica bez državljanstva koji se upiše u statusu studenta koji se sam finansira ili u statusu varednog studenta participirat će u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.484	2.484	2.484	2.484		
2.	Tehničke nauke	2.484	2.484	2.484	2.484		
3.	Biomedicina i zdravstvo	2.980	2.980	2.980	2.980	2.980	2.980
4.	Biotehničke nauke	2.484	2.484	2.484	2.484		
5.	Društvene nauke	1.987	1.987	1.987	1.987		
6.	Humanističke nauke	1.987	1.987	1.987	1.987		
6.1	Humanističke nauke- Akademija dramskih umjetnosti, odsjek Gluma i Produkcija	2.980	2.980	2.980	2.980		

Student strani državljanin i lica bez državljanstva utvrđeni iznos školarine plaća pri prvom upisu u svaku studijsku godinu i to u dvije rate, prilikom upisa u svaki semestar.

Član 6.

Student drugog ciklusa studija (državljanin BiH, strani državljanin i lice bez državljanstva), za studijske programe u trajanju od jedne akademske godine plaćaju školarinu u visini od 2.400,00 KM, a studenti studijskih programa u trajanju od dvije akademske godine, plaćaju školarinu u iznosu od 2.400,00 KM po studijskoj godini.

Izuzetno od odredbe stava (1) ovog člana, tri prvorangirana kandidata na konačnoj rang listi za upis na studijski program „Ekomonitoring i bioindikacija voda“ Prirodno-matematičkog fakulteta proizašao iz Erasmus + Project No ECOBIAS _609967-EPP-1-2019-1-RS-EPPKA2-CBHE-JP Development of master curricula in ecological monitoring and aquatic bioassessment for Western Balkans HEIs, u akademskoj 2022/23. godini, ne plaćaju školarinu.

Član 7.

Student trećeg ciklusa studija (državljanin BiH, strani državljanin i lice bez državljanstva), upisan u akademskoj 2022/23. godini, plaća školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom fakultetu, Ekonomskom fakultetu, Farmaceutskom fakultetu, Medicinskom fakultetu, Pravnom fakultetu, Prirodno-matematičkom fakultetu, Rudarsko-geološko-građevinskom fakultetu, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, a u skladu sa odlukom nadležnog organa.

Član 8.

Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsolventa prilikom upisa u akademsku godinu plaća premiju osiguranja u iznosu od 3,70 KM (tri i 70/100 konvertibilnih maraka) za akademsku godinu.

Studentima iz stava 1. ovog člana koji su prilikom upisa u odgovarajuću godinu studija u akademskoj 2022/23. godini uplatili premiju osiguranja u iznosu od 4,00 KM, više uplaćeni iznos od 0,30 KM će se uračunati u participaciju/školarinu za zimski semestar akademske 2023/24 godine ili prilikom uplate druge dospjele novčane obaveze.

Student prvog i integriranog prvog i drugog ciklusa studija, osim studenta apsolventa i studenta imatrikulanta, plaća naknadu za elektronsku prijavu ispita u iznosu od 7,50 KM za akademsku godinu prilikom upisa u narednu ili obnovu studijske godine.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 100. Zakona o socijalnoj zaštiti, zaštiti civilnih žrtava rata i zaštiti porodice s djecom- prečišćeni tekst ("Službene novine TK" broj: 5/12, 7/14, 11/15, 13/16, 4/18, 12/20 i 8/22), u akademskoj 2022/23. godini plaća 50% iznosa participacije, odnosno 50% iznosa školarine utvrđenih ovom Odlukom.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 19. stav (1) Zakona o dopunskim pravima branilaca i članova njihovih porodica (drugi prečišćeni tekst) („Službene novine Tuzlanskog kantona“, broj: 10/20 i 14/22), u akademskoj 2022/23. godini, plaća 50% iznosa participacije, odnosno 50% iznosa školarine utvrđenih ovom Odlukom.

Studentima iz stava 5. ovog člana koji su prilikom upisa u prvu godinu prvog i integriranog prvog i drugog ciklusa studija u akademskoj 2022/23. godini uplatili puni iznos participacije odnosno školarine, više uplaćeni iznos će se uračunati prilikom upisa u ljetni semestar za upisanu akademsku godinu.

Član 9.

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

Član 10.

Ova Odluka će se primjenjivati počev od akademske 2022/23. godine.

Član 11.

Prečišćeni tekst Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine obuhvata:

- Odluku o iznosu participacije i školarine u troškovima sva tri ciklusa studija na fakultetima /Akademiji Univerziteta u Tuzli počev od akademske 2022/23. godine broj: 04-3305-1-1/22 od 15.06.2022.godine,
- Odluku o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/2023. godine broj: 04-4799-1-2/22 od 13.09.2022. godine,
- Odluku o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine broj:04-1047-1-8/23 od 22.02.2023. godine i
- Odluku o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine broj:04-1470-1-8/23 od 15.03.2023. godine.

TAČKA 2

Donošenje Odluke o utvrđivanju visine troškova postupka za dodjelu naziva univerzitetska bolnica

Za donošenje Odluke po tački 2. dnevog reda, glasalo je ukupno 5 (pet) članova, čime je Upravni odbor, većinom glasova od ukupnog broja članova, donio

ODLUKU

o utvrđivanju visine troškova postupka za dodjelu naziva univerzitetska bolnica

I

Ovom Odlukom utvrđuje se visina troškova postupka za dodjelu naziva univerzitetska bolnica zdravstvenim ustanovama na kojima se izvodi nastava fakulteta zdravstvenog usmjerenja Univerziteta u Tuzli: klinika, univerzitetsko-klinička bolnica odnosno univerzitetsko-klinički centri (u daljem tekstu: bolnica) i visina naknade za rad članova stručnih komisija fakulteta za davanje prijedloga-mišljenja za dodjelu naziva univerzitetska bolnica i članova komisije Univerziteta za utvrđivanje prijedloga za dodjelu naziva univerzitetska bolnica.

II

Troškovi postupka iz tačke I ove Odluke padaju na teret bolnice.

Iz sredstava uplaćenih na ime troškova postupka iz tačke I ove Odluke, vrši se isplata naknada za rad stručnih komisija i sekretara komisija imenovanih rješenjem dekana fakulteta, naknade za rad stručne komisije Univerziteta te podmirenje drugih troškova nastalih u postupku.

III

Troškovi postupka za dodjelu naziva univerzitetska bolnica iz tačke I ove Odluke iznose: 2.800, 00 KM.

IV

Dio sredstava iz tačke III ove Odluke raspoređuje se na troškove za rad članova stručnih komisija, koje se, u skladu sa ovom Odlukom, isplaćuju u neto iznosu nakon oporezivanja i to:

- a) naknada za rad predsjednika stručne komisije fakulteta iznosi 150, 00 KM,
- b) naknada za rad člana stručne komisije fakulteta iznosi 100,00 KM,
- c) naknada za rad sekretara stručne komisije fakulteta iznosi 50,00 KM,
- d) naknada za rad člana stručne komisije Univerziteta iznosi 50,00 KM .-

V

Isplata naknada iz tačke IV ove Odluke vrši se u skladu sa zaključenim ugovorom o privremenim i povremenim poslovima, nakon izvršenja posla.

VI

Postupci za dodjelu naziva univerzitetska bolnica započeti prije stupanja na snagu ove Odluke okončaće se u skladu sa ovom Odlukom.

VII

Ova Odluka stupa na snagu danom donošenja.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-2792-1/23

Tuzla, 16.05.2023. godine

PREDSJEDNIK

UPRAVNOG ODBORA

Dr. sc. Semir Ahmetbegović, vanr. prof.